

南巡盛典

天章
卷十八之卷二十



784
1.189
8





南巡盛典卷十八

天章 丁丑 江南

靈詩

自嘉興一日至靈巖駐蹕二首

檣李至靈巖一百廿餘里舟行縱順風比至亦晚

矣長隄可跋馬篤速便且駛易馬行逾刻風帆落

後已北南殊所習其別乃若此誰掛翰林帆 布帆有大

書翰林者是日 晝寢方隱几前行馬及之艤岸行

且止 隨行無事之舟率令前行是日 謂彼落後勞

南巡盛典 卷十八 天章 一

南遊集 卷一
彼喜逸無比飽食倦且眠夜到亦可耳

易舟寶帶橋取道石湖寺跋馬上方山復行廿里地申刻至靈巖晝畫峯愈翠坐我臨湖榭太湖在襟袂非歷半日勞那愜無窮意來往已半月彈指訝何易

再遊寒山別墅

靈巖紆罕蹕所爲遊寒山春曉宿雨收千嶂泮輕煙遵磴下高峯天平在目前此則姑舍是已悉率戒盤過嶺不五里別墅爰至焉截薛屏陡壁逶迤枕平巒渟爲半畝池激爲千仞湍隨宜置亭閣面勢抱林泉昨去落梅英今來綻牡丹今昨信幻耳來去亦儻然凡夫果不凡卽境知人仙中心以藏之句留蒼巖間

小曰清暉樓

架木爲高閣疏泉得廓池淙聲階下聽秀色座間披笙奏新篁籟衣沾宿霧絲景參米氏畫神會謝家詩

聽雪閣作

南遊錄 卷十八
范家有別業恰與寒山連過牆步幽逕趁此片時
閒松泉繞古意色聲真淨天板閣據峽上聽雪聊
復然石湖出處皆宦光一往焉無事對斯境吾亦
欲晏眠今豈鮮其人過時名乃傳惕意井三爻遊
心白駒篇

聽雪閣疊舊作韻

宦光鑿石處引泉墮潭底其上有別墅我昔聞名
耳今來乃一尋兩奇信並美而此舊所賞亦可稱
觀止映心鏡如朗蠲俗園成喜擬水爲雪得水原
雪之始請君忘耳觀聽可弗聽已

聞山東得雨誌喜

已悉春霖被全鄭更希膏澤逮青齊封章忽接佳
音報喜在麥塍與菜畦

遊獅子林

蘇州府
城內

早知獅子林傳自倪高士疑其藏幽谷而宛居闢
市肯構惜無人久屬他氏矣

今爲黃
姓涉園

手蹟藏石渠

不忘賴有此

石渠寶笈舊藏有獅子
林圖爲倪高士真蹟

詎可失目前

大吏稱未飾

叶

未飾乃本然益當尋屐齒假山似

真山仙凡異尺咫松掛千年藤池貯五湖水小亭
真一笠矮屋肩可倚緬五百年前良朋此萃止澆
花供佛鉢瀹茗談元髓未擬泉石壽泉石况半毀
西望寒泉山趙氏遺舊址亭臺乃一新高下煥朱
紫何幸何不幸誰爲剖其旨似覺凡夫云慙愧雲
林子

詣

文廟行禮

文廟建城南相傳錢氏園仲淹得斯捨胡瑗聘還

尊惟是重經術何嘗計子孫相傳文正得此園形家以爲子孫當世世
科甲文正乃捨之以爲府學云短長相較量終覺勝于門

過紫陽書院疊舊作韻重甄本豈意車缺
書院隣泮宮講學興賢俊斯爲儲材地董率尤當
慎潛老宏章繼相讓如廉藺章更閩中人紫陽道
應振性理無奇言躬行敦至訓人已審所爲改過
要不吝去華以就實素位惟守分克已苟弗力外
染將乘釁適因禮

至聖宮牆仰數仞過茲接諸生爲誦勗新進暇當

南遊盛典 卷十八
付剡藤揮毫意以運

雜詠吳下故蹟

錦帆涇

高掛錦帆漾彩舟闔閭晏樂極風流鼠忘壁壁不
忘鼠終致胥臺鹿豕遊

雞坡墟

臥薪嘗膽秘深謀請羅聊爲重禮求豈意狐卑雉
偏傲鬪雞方復事豪遊

鱸鄉亭

林家亭子陳家句津逮都因張季鷹四柱中曾人
幾閱尊鱸得味幾人曾

黑頭短簿祠

黑頭短簿如生面松竹叢祠清且幽千載名山歸

法護當年志未負優遊

見王珣
伯遠帖

辟疆園

勝槩曾傳顧辟疆後來任宅亦頽荒惟應豪放千
秋述彷彿其人道姓王

交讓瀆

南遊盛典 卷十八 天章 五
蹟傳陸曉與張融豈在隄楊瀆水中千載遊人常
想像故應何點歎高風

戴顓宅

捨宅由來福地宜北禪皮陸昔聯詩門前碧柳黃
鷗轉便是雙柑往聽時

鱗皴石壁貯渟流縷汲壘瓶百尺修笑彼吳中泉
品徧姓名翻落第三籌

林深亭三賢堂

五字蘇州是上乘白劉倡和亦堪稱垂虹設以三
高比却覺斯堂風雅勝

惠齊雲樓

傑閣無須拾級登吳天縱目喜晴明白家詩及王
家記來往吾懷早識名

滄浪亭

濯纓傲志寄歌詩怪石珍花儘足奇自是士信於
知己不妨激語答韓維

虎邱閣

版竅云當日朗時紙承寺景攬無遺

見陶九成輟耕錄 試

爲乃信無其事紀載荒唐率若斯

蘇州啟蹕作

金閭三日畧延留鳳帽平明啟蹕郵惠瀑重期清
入聽靈巖迴望翠凝眸豈無餘意民情戀更有殷
憂河務籌况復秣陵亟俟我便當減從一爲遊

惠山寺疊舊作韻

峯峯晴色濯新螺紺宇珠宮借嚙羅希有秘珍永
寶四率成佳話實堪多春泉石罅淙聲細新竹風

前弄影娑文字禪雖非本分要因淨業悅陀那

水雲題漪瀾堂

一泓清照鏡光新耐可含風漾細淪印滿半輪千
古月入龍鳳影數竿筠題名乍爾懷蘇軾肄業還
應憶李紳笑我匆匆催騎去豈云瀟灑箇中人

若冰洞

我昔撫石甃已愛冽且泚今探若冰洞更識泉在
此牝谷孕靈液乳穴淙神髓九夏其中寒而况三
春尾不可以久立巖齋聊徙倚展書悟爲學進步

南遊盛典 卷十八
詎可止澄懷對有源靜觀懷無始斯固太古然何
乃稱陸子

題張宗蒼補惠泉圖疊舊作韻

補圖曾寫惠山泉輝映王吳合後先孰謂斯人亦
長逝空嗟絕藝此當前花香鳥語春如繪流水行
雲靜裏詮洗滌塵根泯能所偷閒題句亦欣然

寄暢園雜咏

水雲佳趣罨簷楹

軒名園中十
二景之一

過雨林嵐滿目清

也識舟行紆十里奈他泉石縈崇情

遠峯近巘滴新螺清曠名園一再過異世一家能
守業猶傳鳳谷昔行窩
九人六百有餘歲前度曾因佳話傳碩果今惟四
好在了知壽者相非堅
松篁深處小逍遙紫綻藤花綴幾條今日錫山姑
且置閒閒塔影見高標

復聞京師得雨誌喜

春膏北地艱二月霑八寸額慶兼惕息敢更望過
分封章今日披三月尺餘潤驚喜有是哉感慰半

疑信麥壟行當看誰敢飾言進寰海厘祈年而况
首善近獲嘉以爲愧衷言非漫遜江國方省耕麥
菜兆都順微嫌近多陰對時晴切願一喜一以慮
循環互繾綣

自無錫放舟過丹陽駐蹕方瀆橋之作

迴鑿將幸徐金陵應必至六朝文物邦訪古吾素
志寧無數日留復恐歸期滯無以每趨程原非爲
遊恣今朝遇順風早停頗無事宣傳駐方瀆一百
廿里地毘陵及曲阿瞬息度次第衆舟多不及中
途瞠乎棄乃悟有快心卽有不如意

駐蹕金山

楊子乘波換綵舸定光遙見石排峯吳頭越角纔
經攬浪靜風恬幸每逢萬古東流日遊恰一時佳
景興飛重往來屈指剛彌月爾許青山兩岸濃

慧居寺八韻

寶華深秀處問路記吾曾是日觀民暇青春佳興
乘梵宮迎馬近崎逕破雲登戒井誰當汲蓮池依
舊澄六檀身口意三寶佛經僧淨業遵毘奈禪機

謝慧能

璇題千載煥

寺舊名聖化隆昌
皇祖南巡時易今名

館慕一心增小憩

催行轡耽斯理豈應

遊棲霞山

第一金陵明秀山所欣初遇足空前畫屏雲罨紫
峯閣乳竇春淙白鹿泉梵業鐫碑尚隋代淨因捨
宅自齊賢更誰鑿壁名紗帽只恐平原意未然

紫峯閣

一峯傑豎衆崖巔絢靄凝嵐秀撲筵不是匡廬瀑
簾側也應名託李青蓮

春雨山房

山房號春雨雨景一斟酌萬籟靜益悠諸峯翠如
濯煙絲織空羅雲片張油幕農夫早歌舞行路來
憩樂颯然笑子瞻曾是道弗著重舉會歸時志恣

太古堂

水態將山致都規唐氏詩何當蠲萬慮來度小年
時

駐蹕棲霞行宮作

南遊盛典 卷十八 天章 十一
建業路猶西棲霞適可棲聲名冠白下樹木見蕭
齊一宿誠多費諸峯率入題山房春雨足

春雨山房是處

舊名也頗望霽光霽

面勢延清矚林巒景未藏流銀響琴瑟依綠撫琳
瑯藻繪信何有茅茨覺倍強漫重舉僧紹傲志恐
無當

山氣遊攝山棲霞寺用尹繼善沈德潛倡和韻

久聞攝山名秀如玉而冠僧紹小隱處高節古今
羨拔地百廿丈巖峯凌碧漢衆山皆在下如翁視

童卯畫石及落星歷歷皆可按圖經昔羶薌久矣

繫清戀茲來緣省方乘暇遊禪院蘇民厘解澤對

佛愧止觀咨爾肆覲牧峻宇何須辨

山房號萬松屨步尋深逕孫枝貌已蒼側榦形猶

正何況古喬者孰不見生敬幾赦斧斤劫益凜冰

霜性拂星自成景吐雲應號慶偃佺曾遺堯養真

稱戰勝又如商伯夷乃得清之聖層臺一登臨民

瘼當前凭元氣復也無謾濤何心聽

古人亦有言枕流而漱石不可無此意愛斯淙復

峇懸崖伸璋琢其佛四十尺松撐雲態破竹迸堦
 形坼盤挈互轆轤如蓋亦如帟可以謝棟梁示此
 安巖壁峯迴路轉處化身更千億既不辨異同誰
 更分主客渌泉得品外盤陀聊憩息軒渠笑陸羽
 未遇此真脈

跑曾聞有虎名得因逢鹿每吐雲英英亦浸月漉
 漉其始乃何年太古此澗谷蘚痕石縫間細注纔
 漩洑聞自候停蹕階下宛成瀑斯事屬偶然不必
 稱更僕儻來還儻去誰歟享清福迴首語山僧付

爾聽真筑

山有白鹿泉日久就淤大吏於此建書室備憩因稍為疏導遂成巨流飛瀑奔

注冬夏不竭云

昂首最高峯巉巖拾級上藥草堪攝生含芳襲人
 賞北睇見大江顥氣涵漫漭吾懷與之如廓然坦
 蕩蕩忽憶東坡翁赤壁曾獨往俯馮夷幽宮長嘯
 發逸響其氣蓋古今其景融機象斯遊可同乎吾
 惟企遐想

藉聞夏諺中遊豫緣何事江國災祲餘如傷猶未
 置嗟爾在位者孰非民攸墜邇來閭閻况畧悉巡

春騎縱云免溝壑未稱富蔣芟矧茲乃所見寧無
未見際供奉爾勿勞徒勞亦奚異踏閱便遊山聞

挈詩人儷索觀賡其章匪侈詞華麗尹繼善入山閱工沈德潛

借往故有此作

月

山雲傍晚收春月依峯吐度松輪暫棲落瀑影堪
靚靜機忘筌蹄禪境混今古是時萬籟寂清響自
何所階下龍文動乃知來裏許

萬松山房

萬松春曉坐山房雨後千峯濯翠光因迴為高步
入古受宜得趣意延涼閒聽倚巘濤翻鬣極眺鋪
阡浪擺芒詎事遊山欣愜賞為民額手慶宜暘

幽居菴

綠雲深負處結屋號幽居不辨明僧紹張瓌昔真堪

師友子羣峯圍峭舊叢桂映扶疎想見伊人致倘

祥賦遂初

登最高峯望江放歌

坐井者不可與觀天窺隙者不可與決鬪鵬圖南

技窮於居籠驥空北術乏於見囿得逸於勞見遠
於高苟不造極安識括苞吳頭楚尾雲島風潮上
下億計劫東西萬計里魏吳相割據金宋互興圯
一枕覺槐陰渺乎其小矣謾謾天風拂鬚盪胸濤
聲入耳砰磕鏗鏘收帆息楫羣避蛟龍孰知坐峯
頂者豪吟虛閣之中霽光下照彌平野萊黃麥綠
真宜農

太古太虛亭

太虛亭上縱遙目一片晴光千里俱快意不關林

壑美却因農慶憶杭蘇

登燕子磯觀江獻

峭壁捍長江探奇勝絕雙目窮空宇合耳駭雪濤
淙歟鳥瑞殷祖泥駒造宋邦從來稱守德天塹詎
斯從

遊觀音山永濟寺

濱江得初地插漢俯諸天鐵鎖連飛閣金繩闡福
田濤聲風裏立花色雨中燃默默今何在彼寧非
大年

默默和尚向住此寺年過百矣辛未南巡時尚矍鑠出迎今已示寂云

駐蹕江寧作

龍蟠虎踞古神區展義觀民六轡紆詎彼迤南山
水境日茲鑿夏帝王都春前耕植羣猶力災後屬
闕氣幸蘇解澤有何遍黎庶憐他愛戴不謀俱

賜安徽巡撫高晉

江分上下各撫治簡劇因之寄任殊以汝慎勤應
勝此鳳廬其念浚災區

賜安徽學政劉墉

海岱高門第

劉墉統勲之子

瀛洲新翰林爾堪擬東箭其

善揀南金河戒伐檀誦薪勤芄械心家聲勉承繼

莫負獎期深

金陵鳳凰臺用李白韻并效其體

為諸侯度重豫遊飛舸因渡長江流鳳臺忽復逢

此地東平憶昔登齊邱

去歲東巡過東平亦有鳳凰臺曾留詩

九成

自非虞帝陞六苞那見秦淮洲竭和謫仙想懷抱
人則何往徒生愁

泛舟後湖攬古

太平門外蔣陵湖春波演漾含新蒲鳴榔煙水入

深處濯清因以爲清娛憶昔繁華樂遊苑穿池肆
武陳舳艫熙寧洩水號濟困實與青苗意不殊勝
朝乃復事開浚洲上置庫藏輿圖卽今陂沼靜無
事魚鰕者往同民俱輕舟自謂忘機矣何乃紛飛
鷗與鳧

大報恩寺

南朝四百八十寺惟有建初真最初步長干巷尋
覺路想赤烏年創佛廬放燭天光鎮如彼登凌雲
頂記曾子拾級聳眸姑且置千秋興廢慨憑餘

雨花臺口號

崔巍雨花臺蹟傳梁武帝雲光講經致雨花臺城
不救嗟何濟文殊問訊維摩處乃有天花散天女
一之爲甚可再乎著者空搥塗毒鼓

秦淮歌

祖龍東巡壓王氣通淮鑿斷方山埭癡心慮後五
百年詎知亡秦在二世長源因此名秦淮縈紆建
業達江隈時塞時疏異沿革秣陵終免淮爲災六
朝往事難尋跡王謝燕飛誰氏宅風流江令倦遊

南遊盛典 卷十八 天章
歸惟見秦淮依舊碧楊吳竊據築金陵清波溶溶
乃貫城十六紅橋夾兩岸蜀嬌越豔揚新聲千金
買笑輕一擲纏頭錦是寒女織會稱盒子鬪新奇
薛鴨袁羊飢珍食而今功令禁俳倡歌樓舞館都
荒涼煙花麗景縱遜昔癩邪敦樸誠良方

賦得鴻漸于陸

得時字五言八韻
江寧試士子題

懿彼三同鳥玩茲上九辭陵終莫之勝羽可用爲
儀胎產則成幻天冲或有時去容郭瑀指來必季
卿隨鳧乙任呼耳毳毛豈恃其稻梁原得致增繳

底須施薄漢雁斯後載旌騎早知寄言觀國者尚
勵貢來思

靈谷寺

鍾阜東南尋道林蔚然深秀松森森溪光山色宛
其識鐘聲旛影空去聲人心八功德水清且泚梵天
震旦何彼此更聞左側琵琶街鼓掌響應彈絲起
非神奇亦非邪淫世尊早明示其旨乾闥鼓琴山
河大地作琴聲迦葉作舞亦復如是而已矣

閱兵

建業開牙駐禁軍

當年深意守惟勤安時要不忘危日詰武寧當視具
文八色旗分光耀旭千行士厲氣凌雲方行禹跡
無非事

大烈欽承勗紹聞

題雞鳴山

元黃剖判初江流山卽峙山不自道名名况非其
始六朝稱雞籠或云因形似易謂鳴者誰紛任後
人揣漢魏前無聞時寧未有此或開處士館教授
傳經旨或創浮屠宮清淨演禪理我來暢遠目元

武澄見底欲倩揚清波稱謂一以洗

憑虛閣

傑構雞籠據迴巔金陵勝概攬都全晉家石馬埋
煙草舊跡難尋爲慨然

遊清涼寺

石城禮香界此路舊曾經淨業真稱白好山不改
青欲尋辛未句因上翠微亭觸景成新會清機悅
性靈

南遊集卷十八
天章
六
遙題掃葉樓

隔岫誰家掃葉樓清標占斷石城秋分明鄭谷詩
中景逸興遄飛那上頭

東山

風神不減王東海瀟灑常思浙會稽築土一時聊
想像豈期名字至今題

幕府山

建幕當年識茂弘渡江事業賴經營濟時宜進曹
樊輩乃在賀循與顧榮

清溪覽古

東渠猶自紀吳開白芷青蒲出水纔江總宅惟名
獨在郗施詩待客重來綺樓烟月多寥寂畫舫春
波小湖洞六代風流何足貴歎家母語政詮該

寄題祈澤池

聞道結菴初法師倩龍女爲現斯池神通誠使那
伽伏何待法華聽講時

熱

不雨已三日麥菜慶宜暘南望繫遐思一律願蘇

杭却以地卑濕驟熱鬱陽光如北地夏五侯早一月強揮扇無爽風蚊雷勢更張北人非習慣歸騎催應忙綵彼三蔣者炙背何以當於蠶則已宜於麥慮有妨因悟鮮兩全更恐蒸雲茫隨處勵勤民對時厯省方

石城歌

依巖捍江據地利建置緬懷吳大帝舟師風利不得停一片降幡遂由出宋吞齊并相割爭石城幾閱凡與荆袁粲雖死固未死褚淵儼生何謂生省方偶此經層巘百雉埤堦猶完善孝陵締構想當年金川門開警轉眼風雨中晦明宛右顧興悲應不免吁嗟德險守鑿茲及其守茲則已晚

朝天宮

冶城謁琳宇竹樹鬱蒼蒼弔古懷王謝遺風泯宋梁緣山飛紫閣守丞鎖丹房顧諟吾恒凜寧同尚老莊

牛首山

聊以萬幾暇遊茲雙闕山丹梯登覺路白業訪禪

關鐘韻響還靜吟情搜亦閒隙中窺倒影寺西側一殿闔

雙扉則闔寺峯形塔影皆倒影入其中實一奇也塵念此都刪

祖堂

花巖接牛首古寺得幽棲路轉千葩續山空百鳥啼有林皆颯颯不雨亦淒淒試問融開士全提還半提

獻花巖

在牛首山東南有百鳥獻花之異故名

聞道懶融入禪定奇花忽自雪中開審斯已枝葉邊事百鳥何須更獻來

江寧迴蹕駐棲霞作

三日金陵駐葆旌觀民率已悉民情尊親豈不憐

羣戴疏淪都緣繫別營

將往徐州閱河

襄邑四乘將閱壩

攝山一宿且隨程較農所願收春雨遊景偏欣值

午晴

玲峯池

天池一泓峯頂泌旱暵不竭潦不溢豈許凡鱗箇裏藏時有卿雲波上霽南齊隱者枕漱日那見紅亭崖側出為幸否乎泉自知俯清聊爾怡神謐

石梁精舍 即明僧紹
隱居故址

高臺迴榭頗宜煙巒攬結幽奇遐想南齊隱士爾
時未必如斯

萬松山房

一逕愜心賞數間容膝安濤聲晴亦雨蓋影夏應
寒疎固宜清寄密寧礙暢觀由來無不可彷彿在
田盤 盤山萬松寺為
十六景之一

海濤稱排山崖容謂疊浪稱謂豈本然名字出想

像 叶 翹首眇層峯誠有翻波狀谷神不獨工冰夷
宛相向僧紹昔乘桴依稀於此放

德雲菴 真跡

英英靄靄鎮氤氳路轉禪房花木分那共閣黎舉
公案諸峯都見德山雲

九株松

觀象為乾數合陽奇形古貌鬱蒼蒼攝山擬作香
山喚九老居然會會昌

玉冠峯

舊名紗帽峯嫌其近俚適和沈德潛詩得句
云久聞攝山名秀如玉而冠卽以易之

宇宙以來便有此秀拔江南鮮倫比六朝近始著
稱物持以名之豈其理彭澤不折五斗腰科頭散
髮常逍遙假使賁然白駒賦夏收殷尋或可招迴
巒沓嶂疊峻嶒我欲易名難揣稱詩賡老沈得奇
句神傳機轉真絕勝僧紹有知應默肯崔琰何人
敢爾能

南巡盛典卷十九

天章

丁丑

江南

山東

直隸

詩

駐蹕金山

棲霞跋馬莅江干恰喜輕風不動瀾舟繫石簾纔
過午級攀雁堵畧生寒雲來氣接巫峽遠月湧輪
高海嶠寬饒得蒼巖泐新句他年又作舊題看

觀濤樓

地據江山勝樓臨潮汐奇憑觀悟有術妙理契無

南遊盛典 卷十九
爲月鏡光明印風紈澹蕩披驚濤曾未睹允翁幸
哀時

泛舟長江夕景

輕漪不動陽侯風金山樓閣涵鏡空長江萬里渺
何極似太液池西苑中此時此景孤豈可畫舫真
如天上坐那須簫鼓振鏗鏘惟愛縠紈呈澹沲是
時金烏傍晚春一輪十丈玫瑰紅滄波納日纔瞥
眼蒼涼冥合萬化同浮玉周遊忽一轉軒飛逸興
復不淺炬樹歌船亦底爲印公蘇老應能辨

渡江駐蹕天寧寺

春江浪息曉風輕片刻瓜洲跋馬行舟易長川廣
陵近岸臨別館午天晴詎緣問景常探勝要爲籌
河便趲程舞榭歌臺都不繫繫吾懷者是民情

遊平山堂

卓午行宮頗無事偷閒一再至平山花辭駘蕩紅
紛雨林報清和綠可攀逾月風光易爾許千秋吟
咏檢其間何當向者留新什早泐茗華待我還

命築高郵城外石隄詩示董事諸臣

南遊錄 卷十九
河水日以高河隄日以起漾舟渡高郵城廬見隄
底無計使之與隄平生靈所繫驚心視前度淮城
命砌石茲審緩急畧可恃無已下策仍用之糜帑
固非所惜已愧我猶無疏瀹能責人盡職斯非理
鞏固崇墉保障資費期實用而已矣

運河行

運河之水東南流催漕風向西北遞風水胡乃太
相選造物節宣有妙意順水行舟南者欣順風揚
帆北者遂是謂天地之大公往來無不資利濟順

風復希順水人不知足矣聽斯議

題釣魚臺

下鄉寄食缺晨炊旦旦淮陰理釣絲漂母何曾期

報重滕公幸得悅言奇挺身豈是過

去聲人量用蘇軾留

侯論

出跨寧殊進履時長笑泰山墩尚在萬家可

置竟奚爲

閱河示總督尹繼善副總河嵇璜

皇祖闢清口啟閉因時制高堰障淮東三壩尾閘置
侵循湖漸寬頗有弗容勢辛未親相度因命增築

二其三勢實危乃得開信智高堰舊設三壩洪湖資以蓄洩伏秋湖漲

至弗能容辛未南巡閱河命增築其二與三壩而五以仁義禮智信為次遞相宣洩智信二壩非漲

極弗得輒啟多洩堰則固高寶潦必暨其間亘運河諸

壩復鱗次車邏及天然昔人具深意不得已乃宣

宣欲有次第而為下河者閉壩堅持議一再偶獲

幸前河臣高斌堅持保護下河之議高寶田廬初得其利迄以壅閉致潰未可頻嘗

試所以癸酉秋上下咸被沴其心可矜諒其智誠

愚昧設云鑒其轍保隄則了事開壩孰不能災傷

將歲逮審度權節通時刻謹消息叶五言示大端

推行慎所自

恭和

皇祖覽淮黃詩韻

竹箭東流川氣黃清淮交匯癸壬方

六巡勞已無所逸

一念勤民如視傷休息恒關足衣食賑蠲敢靳救災

荒宣防前歲心猶惕卽看洪波沸泆湯

閱高堰工有作

癸酉秋之月沴氣行江南濁黃潦日增清淮漲復

添清口不能暢五壩尾閘渰而何膠柱者前議持

愈嚴天然壩弗啟為慮下河漸究之乃大潰匪愛

害倍兼高寶危城郭興鹽壞閘閘上下兩俱敗何

有修防諳其時河復決奪溜渾波淹不亟事堵築

將慮洪澤占叶岌岌數丈堰水連堰面涵億萬淮

揚民殆哉奚忍談立命重臣往分任各勉擔是秋

漲決高郵二閘而黃河復決銅山南徙菱槌莫昔

特命舒赫德劉統勳等往來董率堵築其冬乃合龍同

費齊鄭助料在工物料皆命山東河南轉輸速濟日達奏函二閘銅山均以臘月十日合龍同日奏至善後慎在茲滲

漏可視凡培高斲山骨取固灌米泔因工賑災餘

庶民來畚杵閱歲績乃奏緩急庶可謀叶崇墉茲

臨視咨度停巡驂終無永逸策忸怩惟益慙

渡河駐蹕行營作

歲事南巡此渡河五旬餘日白駒過桃花水後全

消漲天后風恬不動波彭沛縈心勞相去聲視淪疏

蒿目歎如何陸程計里應須趨武帳聊欣習慣多

將往徐州閱河命簡親王奇通阿率眾護衛

皇太后先至山東靈巖行宮駐蹕減從登途八韻紀

事 有序

州維禹畫方見雅歌湖開國於大彭指名都
 於西楚聿自澶淵既徙遂當黃水最衝比至
 邇年益為險要當怒濤澎湃之際束於地狹
 則勢激而成危迨濁流瀾漫之餘分於力弱
 則沙渟而致淺中泓易阻上游受倒漾之災
 旁出多岐支渠有奪溜之患頻年告祲勞負
 楫於公卿鄰壤不登嗟釋耒於黎庶披圖蒿
 目曾無長策之可施覽奏增憂孰則成勞之
 出費可恃乃者翠華時邁清蹕言旋相望數程親
 臨周視惟是經途沮洳掖

先

輦非宜抑亦繞道遄征輕裝取便爰簡親藩而衛從
 駐勝地以憩留民事籌咨計往還者旬日
 慈顏載覲奉
 色笑於晨昏律諧八韻事述五言

禹蹟久湮廢堯災每大投漢曾通鉅野宋已賦黃
 樓近歲溢淤墊乘時欲酌籌

南巡盛典 卷十九
安輿遵故路減從指徐州永逸誠無術預防要有謀
策誰陳賈讓佑獨顛陽侯所恃芟兮捷還虞伏與
秋未觀愁弗置觀亦祇增愁

欽差工部侍郎夢麟總河白鍾山等奏報荆

山橋疏浚工成命議敘董事諸臣詩以紀

事

去年秋溢孫家集大事芟捷塞決口餘波泥濘荆
山橋微湖路塞水不受連延數郡被災沴未涸春
田農束手加賑卹以救目前善策亟爲籌其後冬

官之亞適隨鑾相度疏排汝其懋叶南北河臣江南

總河白鍾山河東總河張師載胥本責毋分疆界連臂肘集役備

物發帑償守土臣職晉也就叶安徽巡撫高晉同心合力

勉宣防豈在清塵供奔走淪濬兩月工始成荆山

水洩四臣奏叶二麥雖已失餅餌大田庶可播畝

畝酬勞獎績爾則應消息致和吾益忸

賜河道總督白鍾山

南巡江國周遭歷不使河干負弩朝嘉爾導疏合
優敘肯因小節課臣僚

安瀾

龍王廟六韻

皇考勤民瘼

龍祠建皂河層薨臨聳壩峻宇鎮迴渦

誌祀精誠達安瀾永佑歌彭城將往閱宿頓此經

過捍禦方多事平成竟若何所希

神貺顯沙刷輯洪波

舊邳州

艾陽遷建

聖恩留

康熙己巳年始改建州城於艾山南

患自羊山初改流一片白

波浮故壘土人猶道舊邳州

七壩

西來近彭城川狹河益曲曲則名生工舉芟事修

築昨過夏家路七壩茲經復疊葦禦洪濤洞心吁

駭目尚聞水工云如此不一足救急固云可經久

誠非淑以官為家者方藉資津漉譬如人無疾爬

搔偶成毒毒已雜方投禍多鮮見福

所過示總督尹繼善巡撫愛必達

所過沮洳鄉民艱觸目是入疆覘田野大都荒蕪
矣高地縱種麥或冀半收耳低地麥復澇青黃將
安恃翻犁播禾黍復苦無種子官借雖有例吏胥
弊無已罪固孔距心吾豈徒責已方伯日隨鑾爾
我同見此設更無實政責又將誰委方面逮有司
如臂之使指其遍歷窮鄉民瘼周詳視開倉貸穀
種加賑調流徙惠必使遍霑仍防蝨役技勗哉各
盡心庶俾瘡痍起

麥田

麥田狀不一高下頓爾殊高可望餅餌災後口聊
餬下者春卽潦根黃苗半枯哀哉熒熒民食將近
奪乎加賑至夏五倉儲嗟無餘博施古已難况多
蠹役徒豈如接青黃各爲足食謀見高固少慰見
下增憂吁慰不抵憂多民艱紛蹕塗

渡黃河駐蹕徐州作

畫州思禹績建國緬堯封楚漢惟蝸角山川實地
衝澶淵徙以後渤海入無從邇日淤尤甚防秋策
預供用爰紆六轡都大爲三農恬浪徐鳴槩洪流

高指墉驚心斯創見著意敢辭慵寧更言多費惟

勤救鞠訥石隄築一律徐州北面護城有石隄而東西皆土隄命易之以石

葦埽勝千重惟是補偏計曾無永逸庸黃樓讀昔

賦宋代卽今踪謾詡新沙刷水工云近日城下黃流較前刷深三尺許

寅哉茲偶逢不勝憂之况

災餘黃谷

災餘癘必行古人言之矣將為徐州行大吏云宜

止去去關民瘼寧忍復避此銅山莅古邑菜色嗟

怒視藍縷鮮完衣踉蹌或無屣實澤果遍及仍然

故何以太醫雖庸醫玉缺珉珠美四鄉分往救所

司撥藥餌叶斯固子產惠應勝魏公指視爾傷曷

瘳曰予愧無已

實彭城河復

蘇公河復昔非復彭城河復今仍河仍河何以謂

之復解嘲聊爾為斯歌漢唐以來通鉅野燒草不

屬無如何浸淫呂沛漸多事川狹濤怒騰盤渦然

惟宜合不宜散合資刷沙離滄波斯流雖古有成

語徒見其害利則那去歲奪溜孫家集中泓力緩

南遊盛典 卷一
沙淤多隄旁水誌度分寸泥停五尺高益加桃汛
湯湯已拍岸伏秋轉眼難延俄用是切切愁弗置
紆程歷覽親研摩下策仍惟事修築易石鞏固周
遮羅水工喜稱漸復舊數日頓爾形遷訛三尺沙
刷餘二尺誌在敢飾虛言詫此亦偶然慢過頌靈
實昭矣感不磨

冬日遊雲龍山作

彭城駐輦厓河防咫尺雲龍戲馬旁本意原非是

山水偷閒聊復訪蘇

軾

張天驥翠峯夏首關林葉綠

野風清泛麥芒底事今來艱迥句爲民籌濟爲民
傷

西大士巖
峯有飛來像豈無色空空色定同殊普門誠切宏
慈願利濟應殷此際夫

試衣亭用蘇軾韻

甕乏黃蘊身缺衣民艱露冕訪斜暉祇餘慙若先
憂切那有軒然逸興飛

放鶴亭歌

木石豈千年羽衣早翮去何來雲龍頂依然有其
處疏軒眺遠樓嶙峋階前亦立胎仙羣坡翁公案
一重唱爾時更有張山人青山綠野古徐州黃河
之水東南流本意登臨豁遠志宣房深計翻增愁

戲馬臺用謝靈運詩韻

謝客昔攬勝摘藻蜚白雪逸志託邱園皜皜秋陽
潔西來為籌河彭城此駐節導浚無良方俾又資
賢哲旋顧災餘民食乏衣並缺八珍為弗甘寧能
暢遊悅雲龍有蘇蹟秀色城頭列途便臺頭寺

戲即

馬古

臺也清詞記一闕放鶴已憩驂戲馬慢停轍寄言

賡佳作伊人所懷別汲古緬心藏撫今慚治劣

孫家集

去歲霖為災漫灘遂奪溜

上年秋汛後黃河漫溢孫家集是處本無隄工

以備盛漲例於秋汛後補築水衝溝渠而富勒赫漫視之兩年未嘗補築遂致成渠奪溜特命尚書劉統勳督工堵禦先事防少疎禍致不可救非人

河流始復故道

用鰓官吾過其誰售連延淤荆山齊豫胥滂邁用
是深厘懷王臣課奔走捍禦築決口疏濬通下就
今來閱崇隄未雨為綢繆叶層層牢關鍵切切防

南遊集卷十九
三
滲漏此誠燃眉計秋遙奚善後

登黃樓作

岩巖傑構俯徐城黃堊還存玉局名作鎮千秋彭

與沛祀賢並坐弟和兄

樓中胎塑子瞻子由像

我詩傑句真

無就夫子當年妙獨成

二語彙括東坡黃樓詩句意

太守為民

猶切意况吾飢溺敢忘情

再題黃樓用蘇軾韻

黃樓登不可無說更讀蘇詩引興發上惟青天張

幕圓下有洪川流笏滑脫胎高坐兩賢人便欲拾

級嫌塵襪遐想九日勝賓筵痛飲豪歌鸚鵡呷亦

未因樂忘憂民隄築王尊督畚鍤我來黃水雖刷

沙災後饑民景憐煞北瞻豐沛開霸圖南望雲龍

羅梵刹城頭曾不淖泥侵河中亦有鳴榔軋即景

都弗減愁懷解嘲險韻聊吟壓泗水無從覓津滴

楚山依舊圍離齧嗟我羣黎乏衣食那有千村畜

雞鴨違議紆程切痼瘵詎同攬結尋茗雪

初議至徐州閱

河大吏僉以頓次為積雨停潦所侵經途淖溇多方沮止朕以籌河恤災非事遊覽不可中輟排眾

議登程連日晴明安驅周覽一如初指

渡黃河

春巡來往六乘舟總喜風恬濟巨流民務河防予
並厯

天禧

神貺眾蒙麻越山吳水別江國齊郡燕畿指陸郵
只有此都人太鞠不堪蹙額望迴頭

子房山用謝瞻子房詩韻

揮金報韓侯藉箸翊漢王氛除紫色爭運扶火德
昌惟是籌軍帷寧必奮馬槍定策都關中天府開

堂皇業成卽翻飛赤松白雲鄉過祀仰高風千秋

崇此疆

荆山橋歌

石橋三里許以長如虹蜿蜒飲兩塘南北咽喉形
勝控春秋節宣計畫良東接睢邳耕桑野西連豐
沛王霸鄉我曾坐照資利涉發帑修築乃如常乾隆
丙寅發帑數萬修徐州省方今迴蹕路便因度斯
橋至丁卯年告成輿梁去歲孫工河奪溜聞道經此東歸洋一百餘
孔不足洩其時水過橋面強水過沙渟半淤澱微

南遊盛典 卷十九
山遂壅趨壑方疇咨督課速疏浚卽今尾閭纔通
航吁嗟民艱觸目是善後之策猶茫茫

入山東境

去去雁鴻減行行雞犬繁一朝渾別省百里易方
言對此慰誠切過來愁尚存亂山合沓處迴首是
彭門

韓莊閘

韓莊界微湖蓄水以濟運猶恐春水弱冬令例疏
濬去歲黃瀆溢壅遏湖流順泛溢連運渠無從辨
隄堰卽今漫絳道轉漕遲北進荆山近雖別十未
減五分立馬望湯湯播種待數郡艱矣籌河防惡
哉念民困

之備詩以言志

降旨截漕十萬石爲徐州鳳陽各郡縣倉儲
加賑至夏五民猶未免饑平糶及借種諸政命齊
施常平雖積貯展轉將無遺我身縱北來我心每
南馳彭城實親歷瘟疫方乘時不待監門圖目覩
嗟流離鳳陽所屬縣聞亦同沛徐

叶

惠但施經見

向隅豈其宜夏非截漕時災重不可泥叶分貯補
倉缺緩急可賴之與我共治者寧非良有司體此
在抱心推行其善為

麥色

麥色北來日勝前黍禾鋪野潤芊芊含風沃露清
和月道歉希豐齊魯田境不災荒方講讓戶多弦
誦自興賢蕭豐均是吾民耳鵠面鶉衣劇可憐

闕里瞻拜

去歲躬親奠

素王迴程重謁

廟堂皇誰知獻馘翻成偽去春以上年平定伊犁親告闕里啟蹕時適

得擒獲阿睦爾撒納之報久之乃遂致餘氛更搆

知策楞等為賊所給輕信妄奏逆賊既未就獲颺竄哈薩克其餘孽尼豈礙告

成斯局定曰惟聲罪不庭方

祖功

聖德胥垂佑在泮行歌載輯章

駐蹕古泮池之作

古泮城東在鳴鑾此日停壁詩宛隔歲去歲駐蹕於此壁間

留題庭柏只常青自較瓊廬爽况看石沼渟卑宮近

思訓切切志遑寧

皇太后車駕至泰安行營問

安紀事

紆程十日往徐州齊甸言旋傍麥秋趨謁

起居倍常敬慘舒民氣

奏從頭

去歲謁

岱廟六韻

春巡限定程望。

嶽寄遙情用趁迴塗便一申肅拜誠震方惟

帝出寅德肇人生仰載無私禱祈年有屏營英雲籠

寶殿佳氣護曾城退憩尋環詠環詠亭在廟西側四壁刻歷代遊人

詩詩裁不易評

登泰山作

合雲亭度棧縈紆旬歲重教履巘途昔日今時渾
不隔登封降禪總無須儻來憂樂亦多矣試問山

川亦異乎昂首天門三萬尺到因步步積工夫

壺天閣

迴閣昔經坐今來無復登攀躋緣未暇攬結識吾
會碧水自深澗白雲指上層勒崖多舊句歷歷可
明徵

迴馬嶺

昔人迴馬地進馬跋巖屨夫子有明訓功毋一簣
停

朝陽洞

當年題句處灑掃備延停雲棧有翹白岱峯未改
青不教鎮留憩緣是舊曾經率以勞為逸天門即
叩屨

十八盤

猶記昔登十八盤坦途高架丈餘寬曾因過費飭
方伯率為趨平奉

大安

戊辰恭奉 皇太后安輿登岱有司架木為
棧道險峻皆成坦途茲來朕策馬以登不令架

木今度揮鞭吟馬上不教做棧闢雲端石梯拾級
千層迴却喜巖峯本色看

登泰山三依

皇祖詩韻

春日南巡限程迫題詩興寄碧峯頭設如兩度皆

空過辛未及今丁丑終覺一心太率浮謁

聖纔辭曲阜縣登山遂至泰安州乾坤普照

天襟廓景仰

奎章萬古留

瞬息十春巖電影年來憂樂憶從頭誰能石上三

生認且看煙中九點浮幻矣仙踪謝蓬海憫哉民

瘼指徐州雲巢若問前巡事岱頂行宮名戊辰三月孝賢皇后得病

實於此淚灑空庭不忍留

西峪

又問靈巖路言從西峪途林陰入夏密峯翠較春

殊詩意常思李畫情詎讓吳時存勤政念一宿豈

妨乎

登玉符最高峯得四百字

春巡氣尚寒有興未登眺清和茲返轡日長况早

到宇宙最奇處空過山靈譙設如逢炎暄揮汗亦

何要時景值佳會况鮮幾務告邂逅不可失一暢
智仁樂園北啟便門不必命旌纛肩輿陟崇椒林
鳥爲前導摧峯羅疏峯威紆列層嶠陡壁若無路
一綫穿林微或如田見龍或如霧隱豹或雄以猗
猗或深以窅窅或秀若丹青或壯若廊廟樹抱石
爲胎前飛峽成調山花霏細芳山禽遞幽噪歷歷
所攬結朗朗開懷抱舍輿還進步何藉筇屐趁初
至半室巖屣屣以棚窖方牀儼維摩不著天花落
叶爲想詩僧逸頓息塵緣鬧躡險捫煙蘿洞有白

雲號膚寸一脈起澤應三農禱證盟功德頂調御
真古貌巢鶴最高處仙胎宛可召應接乃無暇奇
觀拱四照南瞻日觀峯是我昨所造北睇鵲華翠
雲中辨隱約其東朗公近疑聽錫聲標惟西乃豁
開來路盤崖隩已覺鮮其匹便欲觀其竅設匪片
時勞安識無窮妙蒼然日色暮歸路尋禕峭憶昔
可公輩別傳西竺教想亦巢許流林泉寄笑傲侵
尋事莊嚴逐末吁可笑其師若有知弗許頭應掉
有爲法終幻成壞像相詔猶然冀施檀云有福田

南巡盛典 卷十九
報松隲坐靜觀萬緣信誰覺忘物我未能吟懷且
推敲

恭奉

聖母懿旨啟蹕還京紀事 有序

徐方時邁

鸞馭暫違曲阜言旋

帷宮載觀迨莅玉符之勝境泉石蔚其清涼聿奉

鑾輅於名區飲膳調其旨適乃頒

懿訓俾速星言奏小憩以同行未蒙

慈允用首途而過發仰體

聖懷中宮率嬪御以承

顏親藩整師徒而扈蹕稍稽旬日佇待

起居詩紀五言情抒六韻

南巡三閱月北至近臨期

方澤躬禋祭明庭臚選時皇都程尚遠

慈馭速非宜况

喜名山秀欲

留幾宿頤親藩簡護衛宮眷畢追隨

懿命關勤政前驅
志敬茲

題倪瓚獅子林圖疊舊作韻

誰知獅子林宛在金閶有

舊題云借問獅子林應
在無何有蓋彼時不知

即在蘇
城也

一溪與一峯位置倪翁手

園中點綴云
皆雲林自構我

昨涉其藩安能契授受已覺淨諸品外物不足垢

郵卷重題辭尚聞竹籟吼

開山驛

開山向平野東北濟城垂已過十年事惟消片刻

思

自戊辰至今
凡十年矣

了知如寤夢何必惹清悲朝爽城

猶近前旌可慢移

一水聞京師得雨誌懷

北省春率旱十歲九憂常今年誠厚幸值我巡南

邦奏書每開讀頻報甘膏滂大抵符旬期雨後卽

宜賜二麥可冀收黍禾苗俱長齊魯一律然額手

為民慶惟是西南鄙仍多沮洳鄉荆山亟疏治積

水奈汪洋所涸未及半播種不可望為此弗寧居

更籌救民方喜音復北來二寸沃綠秧驚慰繼以

南遊盛典 卷十九
疑行看懷新良憂喜總因農憂多喜每忘嗟此兩
鬢間安得不點霜

命江蘇巡撫愛必達馳至行在問以徐州事
齊魯如雲麥望秋憂心日夜在徐州亟來更有疇
咨事首問吾民畧息不

過運河
一水宛分趙與齊浮橋飲練接長隄去纔弱柳含
煙嫩迴看來牟擺浪萋較雨量晴以度耳慰豐愁
儉亦紛兮僕人惟識皇州近揮策誰能惜馬蹄

浙江督撫奏報時晴應律蠶麥有收詩以誌
慰

武林風雨送登舟直達金閶勢未休人道常然不
足慮我虞過度每緣愁時晴忽報山川朗及節欣
聞蠶麥收南望那能無一笑旋因徐沛蹙眉頭

降旨免濟寧魚臺等五州縣積欠詩以紀事
齊南五州縣去歲秋霖傷荆山不能洩率因河爲
殃春巡始知然督課疏濬忙茲來問涸土一半纔
播秧其餘尚沮洳安可冀秋糧無收則賦艱災黎

焉能償亟應籌撫卹詎可言出疆是日已過德州加賑至
夏五更無施惠方廉知負逋賦其數十萬強槩與
豁徵輸閭閻俾樂康羣赤庶少蘇努力西成望

紅杏園

簾樹罷紅雨庭莎深綠雲去來原未異春夏若爲
分榭較瓊廬爽池饒冰沼文田田出蓮葉龜戲誦
清芬

卽事

奏書披置郵春雨足皇州北往人恒問南垂澤未

優景河遜兩界

自京往南者皆云河間景州雖已得雨然麥收及大田播種景象不

如京師一帶及德州以南今視之果然

齊魯抵三秋

諺云一麥抵三秋設匪

經親覩吾將自此愁

逢熱

舟行兼頓落帆遲率道何須太急爲今日歸途已
逢熱始知先是趨程宜

免河南夏邑等四縣積欠彙括其事成詩

巡省匪遊觀民瘼咨處處春月往南時舊臣蹕覲
御家屏彭實豫人問以稼穡故奏稱數載澇蠲賑

皆未遇是時彼方伯

圖爾炳阿

迎鑾正隨路同宣近前

席詳告聽莫誤州縣或欺爾爾莫欺黎庶黎庶且

勿欺當前可迴護挈彼往細勘改過要應速

叶罪

汝亦豈難而予更有慮鄉紳汝治下聽彼罪汝遽

此風頗有關所以姑寬恕隔月撫臣報履畝親相

度

叶

米貴則誠然蓋緣販糶去只可言借貸未可

言賑務聞之為悚然誠未解吾憐特命賑一月稍

救溝壑赴迴鑾至彭城乃有道旁謗謂鮮受實惠

至今困沮洳因思可使由聖語有精趣加賑反告

災毋乃希恩屢復村頗有人一往其過怙

叶是亦

不難辨彭城多瘠苦

叶

隨來諸部員其狀盡親觀

叶

遴往四縣察與徐同異著旬日觀保迴

即遴往之部員

也備言民痛劇與徐苦無二而苦無恩佈吁嘻有

是哉是不宜再顧方伯及方面爾皆為民牧

叶我

無靳惠心而胡諱災固罷斥示重懲更簡賢才付

年來愛民意寧有未盡喻猶然殃我民咄哉益知

懼

駐蹕趙北口作

南遊盛典 卷十九
萬柳跋長堤江鄉景重題誰知今趙北大似向杭
西魚鳥悅人意靡蕪惜馬蹄渚宮乘爽到雲水
清凄

往來三閱月瀟灑一憑窗了識隙陰速未能塵意
降風漪青草接沙渚白鷗雙欸乃雲汀外漁舟唱
晚腔

新城道中

北來麥益佳黍禾亦日好自此晴雨時西成冀萬
寶邇來頗炎蒸土燥埋秧小朝露雖晷潤終覺爲
澤少爲之復望霖因以常年考春旱率成例祈至
花開棗麥秋恒歉登大田尚可保豈能如今歲綠
野懷新早蜀望人盡同欲速詎非躁叶自解雖如
斯希澤終縈抱江浙晴方佳燕齊雨滋妙叶寰宇
九萬里畢願時若報叶慰少憂恒多分應個中老
良鄉行宮晚坐

停鑾來往近皇都瞥憶南巡此啓途三月光陰誠
迅矣百年久暫豈殊乎

展義從來重豫遊日休日助悉心求觀豐未覺饒

同樂視歉惟因切先去聲憂

越水吳山攬結餘北來饒得事何如清歡未抵殷

憂盛不在蘇杭在沛徐

甌香研淨值幾閒記里詩篇自改刪却我無心戀

江國是誰有意賦東山

陰

冀天傍晚布濃陰澤豈辭多望作霖却是舟行常

嬾見思量人信鮮恒心

南巡迴鑾駐蹕圓明園之作

麥登秋穰黍全耕喜氣迎鑾達帝京又此南巡成

北返恰看夜雨值朝晴是夜微雨康功災壤憐羣赤勤

政明廷接九卿

懿旨身遵心

膝下所欣旬日近歸程

皇太后駐蹕靈巖以十

行計當遲十餘日

恭迎

皇太后車駕至暢春園得近體一律

方山佳景似西池

養志因成小憩遲順

旨遄歸勤大政問

安頻遣繫遐思歡迎

鳳輦臨長日恰駐仙園協清時廿日寸心縈頓釋階

萱庭栢總含怡

百良盡心

又聞我對大帳

亦及分香亦雨曲時靜

委登拜野奉全特喜屏吸鑿發帝京又北南版

南巡盛典卷二十 南巡盛典卷二十 南巡盛典卷二十

天章 丁丑

文題 賞識 應跋 喜贊 壬春 妙寶 賦快 大喻 瑞

二十臨蘭亭帖 山谷書志 置之 八矣 開卦 北卷 燕

時和筆暢

蘭亭帖以定武本為正趙孟頫所得於獨孤長老

者今在內府丁丑南巡船牕清暇攬風之餘臨此

遣興時二月望日也

重題畫卷

詩章恭載在前

南巡盛典 卷二十一
丁丑南巡遊寒山別墅重過千尺雪坐聽雪閣疊
辛未舊作韻紀事適展閣中所藏壬申郵置盤山
千尺雪畫卷遂書其後

臨黃庭堅書寒山子龐居士詩手卷

石牛禪悅

二十年前愛臨山谷書法置之久矣偶得此卷撫
之不覺見獵心喜丁丑春杪寶應舟次御識

天章靈巖行宮佛座識

法王調御天人尊轉法輪持大千界紫金光聚成
相好來是西竺蔥嶺外具大威德大利益導諸衆
生大歡喜無量福遍恒河沙吉祥雲護大寶地清
淨莊嚴衆瞻仰於諸供奉爲最上

天章臨瘞鶴銘跋風光

瘞鶴銘不著書人姓氏昔傳爲右軍龍爪書因有
逸少字耳要其蒼勁蕭朗非晉人不能黃庭堅有
大字無過瘞鶴銘之句致不虛也志稱原刻乃摩
崖書雷轟入江或云石在山麓爲波濤所蝕水落
乃僅見之守土者昇置山上爲亭以覆丁丑春南

南遊盛典 卷二十一
巡二月之望重登焦山摩挲古刻惜其剝泐過多
因擬書一通勒之碑而原刻移置寺中壁間以存
其舊云

靈巖行宮佛堂梅花跋

西梵莊嚴釋迦牟尼文佛供於靈巖行宮香雪一
枝寫爲龕屏本地風光如是如是

臨蘇轍黃樓賦跋

乾隆二十有二年歲在丁丑夏四月閱河徐州因
登黃樓覽二蘇之遺蹟爲錄是賦刻置樓中

書放鶴亭記跋

乾隆二十有二年夏四月登雲龍山尋蘇軾此文
遺蹟不可得因書以補之

佛像贊

大江東去中流一柱落伽普陀是一是二菩薩神
通真清淨觀廣大智慧悲觀慈觀施無畏力修智
方便以妙大雲普澍法雨利益衆生福聚無量

棲霞佛贊

峒巖攝山千佛應現大江爲帶俯視衆有松風竹

籟水月澄明是天開巖卽耆闍窟金容妙相名觀
世音我於衆生有無盡意方便妙智善應各足頂
禮皈依利益無量

大正東去中流一柱擎天
巖巖不阿特因書以解之
其對二十有二字夏四月八日登雲巖山尋蕪越此文

直隸

匾聯

涿州

行宮匾聯

秀野迎薰

黃圖攬勝

觀風自近

雨暘時若天庥應

風日恬和物象舒

梵響清嚴天籟轉

香燈華曜月輪明

山容積雪融和盎

物象熙春詆蕩披

行宮圖

圖

直

六外山東

匾聯聖公外韻與高脈毋黃丸圖

靈巖寺匾聯

卓錫名藍

奇松爾日猶回向

詭石何心忽點頭

愛山樓匾

巡方攬秀

靈巖各景匾

巢鶴巖

雨花巖

甘露泉

卓錫泉

白雲洞

鐵袈裟

摩頂松

賜衍聖公孔昭煥高祖母黃氏匾

六代含館

鄒縣孟廟匾聯

道闡尼山

尊王言必稱堯舜

憂世心同切禹顏

賜山東巡撫鶴年匾

海嶽宣猷

南遊盛典 卷二十一 天章

臺麓化城

紺宇晴空翠嵐浮蜀阜

祇林香靄禪月湛邗流

天寧寺匾聯

淮南麗矚

神威擁護

閭里謳歌聞樂愷

軒窗煙景適清嘉

楚尾吳頭開畫鏡

林光鳥語入吟軒

慧因寺匾

慈緣勝果

蓮性寺匾

眾香清梵

平山堂聯

詩意豈因今古異

山光長在有無中

高旻寺關帝廟匾

南遊盛典 卷二十一 天章 八

勅建關帝廟

氣塞宇宙

高旻寺

行宮佛堂聯

法雲迴蔭蓮華塔

慈照長輝貝葉經

西所佛堂聯

塔鈴便是廣長舌

香篆還成妙鬘雲

錦春園匾

竹淨松麤

金山匾

靈區仙蹟

觀濤樓

五洲山佛寺額

淨因寺

賜在籍大學士臣史貽直匾

綠野頤和

艤舟亭匾

玉局風流

黃埠墩觀音樓匾

水月澄觀

惠山匾

漪瀾堂

竹鑪山房匾

竹鑪山房

寄暢園匾聯

玉戛金掄

清泉白石自仙境

玉竹冰梅總化工

崇安寺額

靜慧寺

賜在籍吏部侍郎臣嵇璜匾

奕世宣勤

賜國子監司業銜臣顧棟高匾

傳經耆碩

蘇州

行宮匾聯

吳苑清輝

軒牕自納雲霞氣

書卷常含草木馨

歌誦春聲喧井里

林巒曉色入樓臺

南國鶯花多勝賞

吳中山水稱清吟

氣清松竹有餘韻

雨足湖山是處佳

獅林寺匾

鏡智圓照

圓妙觀玉皇閣匾

穆清元始

圓妙觀三清殿匾

清虛靜妙

圓妙觀斗姥閣匾

珠杓朗耀

開元寺匾

靈著滄溟

瑞光寺匾

慧燈無盡

靈巖

行宮佛堂龕屏聯

金輪彩映牟尼淨

寶塔光含舍利圓

靈巖山

行宮匾聯

臨湖榭

三春煙景染新藻

萬頃湖光開遠襟

隨安室

支硎寺聯

華海慧舟聲聞昭善應

蓮臺香界願力普慈緣

寒山匾聯

寒山別墅

石擁雲根涵秀潤

泉淙玉韻得清真

澄懷堂

修竹弄風金瑣碎

飛泉激石玉琮琤

對瀑

空谷

琳瑯叢

清暉樓

眺聽清機

芙蓉泉

綠雲樓

隨步山泉引清聽

悅懷煙樹入幽吟

穹窿山玉皇殿匾聯

穹宇清都

百尺聳丹梯鬱羅最上

羣峰環紫蓋顥氣常清

上方山佛殿匾

水精法界

上方山觀音殿匾聯

香雲應現

風吹貝梵聲聞寂

月照優曇色相空

上方山關帝殿匾聯

神佛賢豪

丹心自比午日炯

浩氣常存寰宇周

石佛寺匾聯

普門香梵

願力廣施甘露味

聞思遠應海潮音

海潮菴額

海潮菴

南巡盛典 卷二十一
賜三山會館天后宮匾聯

德孚廣濟

忠信涉波濤周歷玉洲瑤島

神明昭日月指揮水伯天吳

賜霞漳會館天后宮匾聯

祥飈慈應

靈昭千里風濤看航通絕域

惠溥萬帆雲影驗雅舞神霄

賜邵武會館天后宮匾聯

靈佑恬波

廣著神庥錦浪平時開素練

長昭福佑彩雲飛處展靈旗

賜先賢周惇頤祠額

光霽祠

賜蘇州織造臣安寧匾

虔共服采

賜在籍禮部尚書臣沈德潛匾

詞宗耆碩

南遊錄 卷二十一 天章 三

棲霞

行宮匾聯

白下卷阿

太古堂

春雨山房

話山亭

有凌雲意

笠亭

暢觀亭

石梁精舍

清泉繞砌琴三疊

翠篠含風管六鳴

棲霞各名勝匾

最勝幢

紫峰閣

功德泉

萬松山房

受翠樓

南遊錄 卷二十一 天章 三

泉石自佳

太虛亭

永濟寺額

永濟寺

燕子磯關帝廟匾

燕子磯

朝天宮匾

妙高崑閩

靈谷寺掛軸詩堂匾

淨土指南

宏覺寺佛殿匾

萬法皆如

幽棲寺匾

無去來處

關帝廟匾

赫聲濯靈

賜督臣尹繼善匾

惠洽兩江

賜督署齋匾

不繫舟

賜安徽撫臣高晉匾

江城屏翰

賜安徽布政司託庸匾

宣惠

賜藩署齋匾

瞻園

皂河龍王廟匾額聯

勅建安瀾龍王廟

福佑榮河

惠澤澄涵資利涉

神功普應叶安瀾

雲龍山興化寺觀音殿匾聯

普門妙應

慈雲無住莊嚴相

法雨常飛清淨身

興化寺石佛殿匾聯

定光寂照

清淨法身雲山留慧相

空靈妙性水月悟前因

放鶴亭匾

放鶴亭

賜徐州府署匾

司牧

籌河莅止

浙江

匾聯

海神廟匾聯

保障東南

神祐安瀾曲折三江潮有信

人占利涉澄清萬里海無波

陶莊匾

留餘山居

慧因寺額

法雲寺

慈雲深處匾

漪園

香雲法雨

賜閩浙總督臣喀爾吉善匾

耆臣清德

賜浙江巡撫臣楊廷璋匾

澤宣浙水

賜協辦大學士吏部尚書臣梁詩正之父梁

文濂匾

萊衣晝永

賜淨慈寺僧明中聯

片石孤雲窺色相

清池皓月照禪心

新出甜民烈職办

斗不為雲底也林

眼爭蘇寺僧即中標

飛六畫承

文新圖

